

**02 IANUARIE  
RUGĂCIUNEA  
SF.CUVIOASE  
IULIANA DE LA LAZAREVO  
3**

**Молитва**

Утешение наше и похвала, Иулиание, голубице Богомудрая, яко финикс, преславно процветшая, криле добродетелей священне и посребренне имущая, ими же на высоту Царствия Небеснаго возлетела еси! Похвальная пение памяти твоей радостно днесь приносим, понеже Христос нетлением чудесным тя увенча и благодатию исцелений тебе прослави. Зане любовь Христовою уязвившись, от младости чистоту душевную и телесную хранила еси, пост же и воздержание возлюбила еси, ими же помогающей ти благодати, вся страсти мира сего попраала еси, и, яко пчела, мудро цвет добродетелей изыскавши, пресладкий мед Святаго Духа в сердце свое вселила еси и, еще во плоти бывши, посещения Богоматере сподобилася

еси. Прилежно убо ты молим: молися, госпоже, да подаст нам в Троице славимый Бог твоими молитвами многодетно здравие же и спасение, тишину и изобилие плодов земных и на враги победы и одоления.

Сохрани предстательством твоим, преподобная мати, страну Российскую, и град сей, и вся грады и страны христианския неврежденны от всех навет и козней вражиих. Помяни, госпоже, убогия рабы твоя, днесь в молитве тебе предстоящих, но чрез все житие свое паче всех человек прегрешивших, обаче теплое покаяние о сих приносящих и твоими к Богу молитвами оставление грехов получитьи просящих, яко да, греховных страстей свободившися, благодарственное пение тебе приносить присно потщимся и прославим всех благих Подателя Бога, Отца, и Сына, и Святаго Духа ныне, и присно, и во веки веков. Аминь.